

Principles of Islam
- Printed 28/11/57

আল-মুসলিমিন

মুজিবুর রহমান খাঁ
১২/১১/৫৭



খাঁ

খোশখবর

সম্পাদক :

মুজিবুর রহমান খাঁ

১৯৫৭ খ্রিঃ ১২শ বছর

১৯৫৭ খ্রিঃ ১২শ বছর

সূচীপত্র—আশ্বিন, ১৩৬৬

বিষয়	লেখক	পৃষ্ঠা
প্রবন্ধ :		
১। বাকেরগঞ্জের কথা	—মোহাম্মদ ইয়াকুব আলী	৮১৩
২। পলাশপুরের ইতিকথা	—আলবেকরী	৮১৮
৩। সাহিত্যে অঙ্গীলতা	—মীর আবুল হোসেন	৯০৪
৪। একেই কি বলে ইতিহাস ?	—আকবর আলী খান	৯১৬
৫। সাহিত্য ও জাতীয়তা	—অধ্যাপক জিয়াউদ্দীন আহমদ	৯১৯
৬। মতীহর রহমান খাঁর রসরচনা	—মঈনুদ্দীন	৯২৮
৭। বহুবিবাহের কারণ ও বর্তমান মনোভাব	—মোহাম্মদ মোর্তজা	৯৪১
৮। পল্লীসাহিত্যে প্রেম	—মীর আলতাক আলী	৯৫১
কবিতা :		
১। যামাবর পাখী	—আ. ন. ম. বজলুর রশীদ	৮৯৭
২। যোগাযোগ	—আ. কা. শ. নূর মোহাম্মদ	৯০৬
৩। একটি অহুত্ব	—দীলু আকরোজ আহমদ	৯১৫
৪। সকালে	—জুলফিকার মতিন	৯৩৮
৫। ভেজা কারা	—আলমগীর জলীল	৯৬৫
গল্প-নাটিকা :		
১। মেঘ ও মাটি	—শ্যেখুল হুসু চক্রবর্তী	৯২২
২। সন্ধ্যা-তীর্থ	—নূরুল ইসলাম খান	৯৩১
৩। বিপ্লবছা	—হাসিব চৌধুরী	৯৪৬
৪। ভৌতিক	—আমিনুল ইসলাম	৯৫৩
যতি-কথা		
১। বাতায়ন	—ইব্রাহিম খাঁ	৯০৭
বিবিধ		
১। খেলাধুলা	—খেলোয়াড়	৯৫৬
সম্পাদকীয় :		
১। আলোচনা	...	৯৫৯



আপনার শিশুর জন্য ঘাবরাবেন না

কারণ সে **“ল্যাক্টোজেন”** বেবী ফুড পান করে

যাত্নপূৰ্ণ যতন না থাকে আপনি বিনা দ্বিধায় ল্যাক্টোজেনের উপর ভরসা করতে পারবেন।

ইংরেজী ভাষায় মুদ্রিত ৮৭ পৃষ্ঠার এক মনোরম মজিত পত্রিকা “ল্যাক্টোজেনের মানস বুক” বিনামূল্যে প্রাপ্তির জন্য পোর্শের কর্পনে নিজের নাম ও ঠিকানা লিখে ডাক বরডের একাংশের জন্য মাত্র দুই আনার ডাক টিকেট সহ এই ঠিকানায় পাঠিয়ে দিন:-

নাম-----

ঠিকানা-----

“লিপটন (পাকিস্তান) লিমিটেড, ভাষ বিল্ডিং, ৬, জিন্মাহ এভিনিউ, রমনা, ঢাকা



স্বাক্ষরিত হইল
 ২২/১১/৫৭

আশ্বিন, ১৩৬৬

৩০শ বর্ষ, ১২শ সংখ্যা

১২/১১/৫৭

বাকচন্দ্রের কথা

মোহাম্মদ ইয়াকুব আলী

ছগোণ্য যাতনাত ব্যবস্থার হরুগই বাহিরের লোকেরা নিরুভাটির এ-বিরাট অঞ্চলের সহিত বিশেষ পরিচিত নন। তাহারা মনে করেন যে সমগ্র জিলাটা নদী-নালা, সমুদ্র ও অরণ্য-বেষ্টিত এক অনগ্রসর ভূ-খণ্ড বই আর কিছুই নয়। আসলে তাহাদের এ-জাতীয় ধারণা অজ্ঞতা ও ভুলের উপবই প্রতিষ্ঠিত। এ-অঞ্চলের এক বিরাট ও পৌরবময় ইতিহাস রহিয়াছে—আছে হিন্দু-মুসলিম অতীত কীর্তির সহস্র নিদর্শন।

পূর্ব অর্থে এ-সমগ্র অঞ্চলই দক্ষিণের সমুদ্র এবং জিলায় পশ্চিম-মধ্য ভাগে প্রবাহিত সুরঙ্গা বা সুরঙ্গা নামক বৃহৎ নদীর পর্বে নিমজ্জিত ছিল বলিয়া অনুমান হইতেছে। পয়া, বঙ্গপুত্র ও মেঘনা বহিত পলিমাটির দ্বারা আখণ্ডে এ-ভূ-ভাগের সৃষ্টি হইয়াই স্বাভাবিক।

কখন কি ভাবে যে এই নিম্নাঞ্চলে মানুষের বসতি বিজ্ঞান হয় তা সঠিক বলা যায় না। প্রাচীনতর অষ্টিক দ্বারী লোকেরা এ-অঞ্চলে প্রবেশ করিয়াছিল কিনা তাহাও আমরা বলিতে পারি না। ডাঃ জেমস ওয়াইজ প্রথম পঠিত ব্যক্তিদের মতে জালো ও মালো প্রকৃতি কৈবর্ত জাতীয় লোকেরা নাকি পূর্ব-বাঙলার অতীতম আদিম জাতি। এ-অতীতম সত্য হইলে এখানকার দালিয়া দাস, জালিয়া দাস এবং নমোশুজদের পূর্ব-পুরুষ-ন্যকেই আমরা এই নিরুদেশের আদিম অধিবাসী বলিয়া মানিয়া লইতে পারি। স্যাবিড, আর্ধ অথবা তৎপূর্ববর্তী কোনো সভ্যতার আতি কতক বিতাড়িত হইয়া যীশু-পূর্ব

জামানতেই হয়তো তাহারা তৎকালীন এ-অরণ্যক্ষেলে হিজরত করিয়া থাকিবে।

কাহারু যে এখানে সর্বপ্রথম উন্নততর সভ্যতার প্রচার করেন তাহাও সঠিক নির্ণয় করা যাইতেছে না। ফা-হিয়েন ও হিউ-এন-সাং প্রমুখ চীনা পরিব্রাজকদের বিবরণী হইতেও আমরা প্রদেশের এ-অঞ্চল সম্পর্কে কিছুই অবগত হইতে পারিতেছি না। তাহারা যে প্রাচীন সমতট বা পূর্ব-বাঙলার কথা উল্লেখ করিয়াছেন তাহাতে এ-অঞ্চলের অন্তর্ভুক্তি অবশ্যই বুঝাইতেছে না। প্রাচীন মুসলমান ঐতিহাসিকগণ অথবা পরবর্তীকালের পাশ্চাত্য লেখকগণও এসম্পর্কে আলোকপাত করিতে পারেন নাই। ঈশাদী নবম কি দশম শতকে চাটগাঁও অঞ্চলে আরবীয় মুসলমানদের আগমন ও বসতি স্থাপন ঐতিহাসিক সত্য হইলেও প্রাচীন বাকচন্দ্র অঞ্চলের কোথাও আরবেয়া অবতরণ করিয়াছে বলিয়া জানা যায় না। এক্ষেত্রে ঐতিহাসিক ঘটনাবলীর বিচার-বিশ্লেষণ দ্বারা আমরা এইমাত্র অনুমান করিতে পারি যে ঈশাদী দশম ও একাদশ শতকে বাঙলার বৌদ্ধ শাসন যুগে জিলায় উত্তরাঞ্চলে উন্নততর সভ্যতার সংস্পর্শ ঘটয়া থাকিবে। পরবর্তীকালে পোনারগাঁয়ে সেন রাজাদের শাসনকালেই এই সভ্যতা দক্ষিণে সমুদ্র তীর পর্যন্ত সম্প্রসারিত হয়। এ-জিলায় কাশীপুর, শিকারপুর ও পোনাবালিয়া প্রকৃতি স্থানে প্রাচীন পীঠস্থান ও মন্দিরাদির প্রতিষ্ঠাকালও এ-সময়ই। ঈশাদী ত্রয়োদশ শতকের শুরুতে বিন বধুতিয়ার

কতৃক গোড়া-বন্ধ বিজয়ের পর সেনরাজাগণ বিক্রমপুরে আদিয়া প্রতিষ্ঠিত হন। কিন্তু নবগত ইস্লাম ও মুসলিম শক্তির দ্রুত বিপুলি আশঙ্কা করিয়া এখানেও তাহারা উদ্বেগ বোধ করিতে থাকেন। তাই এই কীর্তমান রাজ্য-বংশের জন্মক উচ্চাভিলাষী ব্যক্তি ত্রয়োদশ শতাব্দীর শেষভাগে জিলার নিম্ন-দক্ষিণে এক স্থায়ী হিন্দু রাজ্যের প্রতিষ্ঠা করেন। ইস্লাম ও মুসলিম সভ্যতার সংস্পর্শ ও সংঘর্ষ এড়াইয়া নিরাপদ ভূমে হিন্দু ধর্ম ও সভ্যতার মূল সংরক্ষণই ছিল রাজকুমার দমুজমর্দন এবং রাজসুত্র চন্দ্রশেখরের প্রকৃত উদ্দেশ্য। রাজপুরোহিত চন্দ্রশেখরের নামানুসারেই এই প্রাচীন রাজ্যের নাম চন্দ্রবীণ হইয়া থাকিবে। মুগল আমলে ইহা ইস্লামদিপপুর বা সরকার বাকুলা নামে অভিহিত হয়। বর্তমান বাউকল খানা এলাকার দক্ষিণ-পূর্বদিকে তেহুলিয়া তীবর্তী কচুয়া নামক স্থানে এই রাজ্যের রাজধানী প্রতিষ্ঠিত হইয়াছিল বলিয়া জানা যায়। তৎকালীন ঐতিহাসিকগণ উক্ত রাজধানীকে বাকুলা বলিয়া উল্লেখ করিয়া গিয়াছেন। ঈশানী ১৫৮৬ সনে ইংরাজ ভ্রমণকারী র্যালফ ফিচ (Ralph Fitch) রাজধানী বাকুলা পরিদর্শন করেন। তাহার বর্ণনায় জানা যায় যে বাকুলা রাজ্য তখন মুগল-ফসল এবং সূতী ও রেশমি বস্ত্রাদিতে ভরপুর ছিল। ঈশানী ১৫৮৪ সনের প্রাণে রাজ্যের প্রায় দুই লক্ষ লোক মুহাম্মদের পতিত হয় বলিয়া আইন-ই-আকবরী নামক প্রাচীন ইতিহাস গ্রন্থে উল্লিখিত হইয়াছে।

এভাবে দক্ষিণাঞ্চলে একটি হিন্দুরাজ্যের প্রতিষ্ঠা হওয়ার এখানে ক্রমাগত উচ্চ বর্ণের হিন্দুগণ আগমন করিতে থাকেন। রাজধানী বাকুলাতে ব্রাহ্মণ পণ্ডিত এবং অজ্ঞান জ্ঞানী ও গুণী ব্যক্তিগণ সমাদৃত হইতেন। তৎকালে বাকুলার পণ্ডিতদের খ্যাতি সর্বত্র পরিব্যাপ্ত ছিল। রাজধানী বাকুলা নগরী দীর্ঘদিন পূর্বেই তেহুলিয়া নদীর গর্ভে বিলীন হইয়া গিয়াছে। কিন্তু উহার নিকট-বর্তী অঞ্চল সমূহে আজো পুরাতন ইট-পাথর এবং ভগ্ন ইমারতাদির নিদর্শন দৃষ্ট হইতেছে। এখানকার 'কমলার-দীঘি' আজো কারস্থ রাজকুমারী কমলার জনকল্যাণকর কীর্তি কথা বোষণা করিয়া বিরাজিত। এছাড়াও তৎকালীন হিন্দু সভ্যতার স্বাক্ষর আঁকা রহিয়াছে জিলার সর্বত্র। এই কারস্থ রাজবংশীয়গণ আজো উত্তরাঞ্চলে প্রতিষ্ঠিত পরবর্তীকালীন রাজধানী মাধব পাশাতে অতিশয় দারিদ্র্যপীড়িত অবস্থায় দিনপাত করিতেছেন।

এ-অঞ্চলে কখন যে সর্বপ্রথম মুসলমানেরা আগমন করেন তাহার সঠিক কাল নির্ণয় করিতেও আমরা অক্ষম। অনেকে অস্বীকার করেন যে বঙ্গ-তিহার-পূর্ব জামানাতেই জিলার উত্তরাঞ্চলে ইস্লাম-প্রচারক দরবেশগণ আগমন

করিয়াছিলেন। কিন্তু আমরা এ-অনুমানের সমর্থনে আজো কোনো প্রমাণ সংগ্রহ করিতে পারি নাই। এ-অঞ্চলে প্রাপ্ত প্রাচীন মসজিদ, মাজার ও মড়কাদি অপেক্ষাকৃত পরবর্তীকালে নির্মিত হইয়াছে বলিয়াই বরং প্রমাণ পাওয়া যাইতেছে। মশ্হুর মুশাক্কীর ইবনেবতুতা এবং পত্নীগীর্জ ভ্রমণকারী বার্বোসার সফরনামায় দক্ষিণ পূর্বাঞ্চলের সামুদ্রিক বন্দরগুলিতে মুসলিম প্রাধান্যের উল্লেখ থাকিলেও উহার দ্বারা প্রাচীন বাকুলা বা বাকেরগঞ্জ এলাকার কোনো স্থানকে অবশ্যই বুঝাইতেছে না। এরূপ অবস্থায় আমাদেরকে স্বীকার করিতে হইবে যে গোড়াবন্ধে তুর্কী সুলতানাত প্রতিষ্ঠিত হইবার পরেই এ-অঞ্চলে ইস্লামের বিস্তৃতি ঘটে। ঈশানী চতুর্দশ শতকের মধ্যভাগে আগত দরবেশ শাইরেজুল-আরেকফীন সাহেবই সর্ব প্রথম এই নিরাঞ্চলে ব্যাপক ভাবে ইস্লাম প্রচার করেন বলিয়া প্রমাণ পাওয়া যাইতেছে। মধ্য এশিয়া হইতে আগত ভারত-আক্রমণকারী বীর তৈমুর লঙ্গ কতৃকই তিনি এ অঞ্চলে প্রেরিত হন। জিলার দক্ষিণ-পূর্বাঞ্চলে কাশিগুরী নামক স্থানে আজো তাহার দরগাহ বাড়ী বিদ্যমান।

ঈশানী ১৪৬৫ সনে বাকুলা রাজ্যের সর্ব-দক্ষিণে বর্তমান মসজিদ বাড়ী নামক স্থানের প্রাচীন ও বৃহদাকার মসজিদটি নির্মিত হইয়াছে বলিয়া সংলগ্ন শিলালিপি পাঠে জানা যাইতেছে। আরো জানা যাইতেছে যে তৎকালীন গোড়াবিপতি আবুল মোজাফ্ফর বারবেক শাহ কতৃক আদিষ্ট হইয়া খান মোরাজ্জম ওয়াজিরাল খাঁ কতৃক উহা নির্মিত হয়। বস্তুতঃ ঈশানী চতুর্দশ ও পঞ্চদশ শতকে গোড়ার স্বায়ী সুলতানদের উৎসাহ এবং অর্থস্বত্ববলে বহু পীর-দরবেশ নিম্ন ভাটির বহু স্থানে ইস্লাম প্রচার করেন। এখানে প্রসঙ্গক্রমে উল্লেখ করা যাইতে পারে যে খুলনা বাগেরহাট অঞ্চলে সমাহিত পীর খাঁ জাহান আলী, ফরিদপুরের ফরিদ শাহ, দিগেটের পীর শাহ আলী এবং সন্দ্বীপে সমাহিত পীর বখ্তিয়ার মৈস্তর প্রমুখ ব্যক্তিগণ এ-সময়কারই ইস্লাম প্রচারক ছিলেন। সুতরাং আমাদের আলোচ্য বাকুলা রাজ্য বা প্রাচীন বাকেরগঞ্জের সর্বত্রই যে এ-সময় মধ্যে ইস্লামের বিস্তার হইয়াছিল তাহা নিঃসন্দেহে বিশ্বাস করা যাইতে পারে।

এ-সকল পীর-দরবেশগণের সহিত তাহাদের অনুবর্তী বাহিরের বহু মুসলমানও এ-সময় এ-অঞ্চলে আগমন করিয়া থাকিবেন। তাহাদের এবং স্থানীয় মন্বদীক্ষিতদের বসবাস এবং জীবিকার ব্যবস্থাও এ-সকল দরবেশগণই করিয়া দিতেন। ফলে এ-সময় হইতে জঙ্গল পরিষ্কার করিয়া নিত্য নতুন জমি চাখে আনিবার কার্যও অগ্রসর হয়। প্রকাশ, পীর খাঁ জাহান আলী নাকি ভাটি এলাকার

জঙ্গল কাটিবার জন্য এককালীন ৬০ হাজার লোক নিয়োগ করিয়াছিলেন। এদেশে ইসলাম বিস্তৃতির অল্পবিধ কারণ বিদ্যমান থাকিলেও এ-সকল পীর-দরবেশদের বিরামহীন প্রচেষ্টাই উহা সর্বাধিক ব্যাপকতা লাভ করে ফলে এই প্রাচীন হিন্দু রাজ্য আজ লাখ লাখ মুসলমানের বাস। প্রাচীন হিন্দু ধর্ম ও সভ্যতার পাশাপাশি আজ দেখিতে পাই ইসলাম ও মুসলিম সভ্যতার ব্যাপক বিকাশ।

ষোড়শ শতকের শেষভাগে পত্নীগঞ্জ মিশনারীদের দ্বারা এ-অঞ্চলে দৈশায়ী ধর্মের প্রচার শুরু হয়। দৈশায়ী প্রচারকগণ আজো এব্যাপারে তৎপর আছেন। আজ এ-জিলার শিক্ষা প্রচার ও সমাজ সেবার ব্যাপারে তাহাদের দান আমরা বিশেষ ভাবে প্রত্যক্ষ করিতেছি।

এ-জিলার নিম্নভাগে কয়েক হাজার বৌদ্ধ বা মগ অধিবাসী বাস করিতেছেন। প্রাচীন কালে আরাকানী মগ দস্যুগণ এদেশে লুট-পাট করিয়া বেড়াইত। তাই অনেকে অস্থান করেন যে বর্তমান মগ অধিবাসীগণ ঐ সকল দস্যু-তরুণদেরই বংশধর। কিন্তু এরূপ ধারণার মূলে কোনো ঐতিহাসিক সমর্থন পাওয়া যাইতেছে না। বরং ইংরাজ আমলে নিম্নভূমির জঙ্গল কাটিয়া চাষ আবাদ করিবার জন্যই যে তাহাদিগকে এখানে আনয়ন করা হইয়াছে। তাহারই বিখ্যাত প্রমাণ পাওয়া যাইতেছে। তাহারাই নিম্নাঞ্চলের সরস ও পরিশ্রমী চাষী।

প্রসঙ্গক্রমে আমরা জিলার বিভিন্ন ধর্মীয় দস্তাদায় সম্পর্কে কিছুটা আলোচনা করিলাম। এক্ষণে আমরা আমাদের মূল আলোচনার বিষয় চলিয়া যাইব। দৈশায়ী ১০৭৪ সনে মুগল সেনানায়ক মুরাদ খাঁ এই প্রাচীন কাঞ্চন রাজ্যটি অধিকার করেন। তখন ইহা সুবে বাঙলার অন্ততম সরকার রূপে মুগল সাম্রাজ্যের অন্তর্ভুক্ত হইল। কিন্তু এরূপ ক্ষেত্রেও দেশ শাসনের ভার স্থানীয় রাজার হাতেই স্তম্ভ থাকে। দৈশায়ী সপ্তদশ শতকের শুরুতে বাকলা বা চন্দ্রধীপের রাজশক্তি দুর্বল হইয়া পড়ে এবং এই সুযোগে আরাকানী মগেরা এদেশ অধিকার করে। দ্বাদশক রাজা রামচন্দ্র এ-সময় তাহার স্বস্তর যশোর-পতি দ্বারা প্রতাপাদিত্যের আশ্রয় গ্রহণ করেন। বয়োঃ-ক্রান্ত হইয়া পরে তিনি স্বীয়রাজ্য পুনরুদ্ধার করিয়াছিলেন কিন্তু তাহার মৃত্যুর পর রাজশক্তি আবার দুর্বল হইতে থাকে। ফলে মগ এবং সন্দীপে অবস্থিত কিরিচী দস্যুগণ দেশ মধ্যে বে-পরোয়া জুলুম আৰম্ভ করিয়া দেয়। তাই সপ্তদশ শতকের মধ্যভাগে বৃহৎ সম্রাট শাহজাহান তাহার দ্বিতীয় পুত্র শাহজাদা শূজাকে সুবাদার নিযুক্ত করিয়া মগ ও কিরিচী দমনের জন্য নিদেশ প্রদান করেন।

শাহজাদা শূজা দীর্ঘ দিন এ-অঞ্চলে অবস্থান করেন।

ইতঃপূর্বে অল্প কোনো মুগল শাহজাদা সুবাদার বা উচ্চ-রাজ্য কর্মচারী বাকলা বা প্রাচীন বাকেরগঞ্জ এলাকায় এরূপ দীর্ঘদিন ধরিয়৷ অবস্থান করেন নাই। বাকেরগঞ্জের মূল ভূখণ্ড হইতে দস্যুদলকে তাড়াইয়া তিনি দেশে শান্তি স্থাপন করিতে সক্ষম হইয়াছিলেন। তিনি এই অঞ্চলে বহু বাস্তা ঘাট, মৈত্র ছাউনী ও কিল্লাদি নির্মাণ করেন। এ-জিলার শূজাবাদ মোজা এবং ঐ নামীয় বৃহৎ কিল্লা আজো এই মুগল শাহজাদার বীরত্বের প্রতীক বহিয়া বিদ্যমান। স্থানীয় জনশ্রুতি হইতে জানা যায় যে অদূরে অবস্থিত মানপাশা কাঞ্জীবাড়ীর প্রাচীন মসজিদটি এ-সময় তাহারই আদেশে নির্মিত হইয়াছিল।

অতঃপর পীড়িত সম্রাট শাহজাহানের শেষ জীবনে আওরঙ্গজেবের সেনাপতি মীর জুমলা কতৃক শূজা বাঙলা দেশ হইতে বিতাড়িত হন। সাম্রাজ্যিক অন্তর্গত প্রবচনাদীন এ-সময়টাতে অস্ত্রাস্ত্র স্থানের জায় সরকার বাকলাতেও মুগল শাসন শিথিল হইয়া পড়ে। ফলে পঞ্চপালের জায় মগ ও কিরিচী দস্যু দল আবার ভাটি বাকলার সর্বত্র ছড়াইয়া পড়ে। সময় সময় তাহারাজ্যধানী জাহাঁগীর নগর পর্যন্ত ধাওয়া করিত। এ-ব্যাপারে সম্রাট আওরঙ্গজেব উদ্বেগ বোধ করিতেছিলেন। তিনি বিখ্যাত ষোড়শ নওয়াব শায়েরজা খাঁকে অবিলম্বে বাঙলার সুবাদার নিযুক্ত করিয়া প্রেরণ করিলেন। ১০৬৬ দৈশায়ী সনে নৌসেনাপতি ইবনে হোসেন বেগের নেতৃত্বের দক্ষিণ মেঘনায় নৌ অভিযান প্রেরিত হইল। সুলতানবাহিনীর ভার অর্পিত হইল শায়েরজা খাঁর পুত্র বুর্জর্গ উমেদ খাঁর প্রতি। মেঘনার যুদ্ধে সন্দীপ মুগলদের হস্তগত হয় এবং উভয় বাহিনী সম্মিলিত হইয়া চাঁটগাও অধিকার করে। এভাবে আওরঙ্গজেবের নিদেশ ভাটি বাকলার মগ ও কিরিচী জুলুম স্তম্ভ হইয়া যায়। যথাক্রমে সম্রাট, সুবাদার, এবং সুবাদার পুত্রের নামানুসারে এ-জিলার আওরঙ্গ পুর, শায়েরজাবাদ ও বুর্জর্গ উমেদপুর পরগণাত্রয়ের নাম করা হইয়াছে। মেঘনা বিজয়ী নৌ সেনাপতির নামে কোনো স্থানের নামকরণ হইয়াছে কিনা তাহা আমরা জানিতে পারি নাই। তবে এ-জিলার হোসেনপুর নামে কয়েকটি মোজা দৃষ্ট হইতেছে।

জিলার বাকেরগঞ্জ নামকরণ অপেক্ষাকৃত পরবর্তী-কালেই হইয়াছিল। নওয়াব আলীবর্দীর শাসন আমলে অগ্না বাকের খাঁ নামক এক পরাক্রমশীল ব্যক্তি ভাটি অঞ্চলে বৃহৎ জমিদারী লাভ করেন। বর্তমান বাকেরগঞ্জ বন্দরটি তাহারই প্রতিষ্ঠিত। এখানকার প্রাচীন মসজিদ, জলাশয় ও অন্যান্য পুরাতন নিদর্শনাদি হইতে অস্থমিত হয় যে এককাল এখানে বহু সম্রাট বৃন্দলমানের বসবাস ছিল। নওয়াব আলীবর্দীর শেষ জীবনে মুর্শিদাবাদের

অন্তবিরোধকে কেন্দ্র করিয়া আগা বাকের খাঁ ঢাকাতে নিহত হন। ফলে তাঁহার বিরাট জমিদারী খুঁড় রাজবলভ প্রাস করিয়া লইলেন। এই বাকেরগঞ্জ বন্দরেই বহুদিন ধরিয়া জিলা-সদর প্রতিষ্ঠিত ছিল। ঈসাব্দী ১৮০১ সনে জিলা-সদর বশিশাল নামক তৎকালীন ক্ষুদ্র বন্দরে আনীত হয়। বলা বাহুল্য যে, আগা বাকের প্রতিষ্ঠিত বাকেরগঞ্জ বন্দর হইতেই জিলায় এরূপ নামোৎপত্তি হইয়াছে।

নদীতীরবর্তী বশিশাল বন্দরটিও পুরাতন। প্রাচীন-কালে ইহা সলন ব্যবসায়ের কেন্দ্র স্বরূপে বিবেচিত হইত। তখন ইহাকে 'গিদে'-বন্দর' বা বন্দর-এলাকা বলা হইত। শহরতলীর আমানতগঞ্জ, কাউনিয়া, কাশীপুর, শাপানিয়া ও পুরাপাড়া প্রভৃতি স্থানের পুরাতন মসজিদ, মাজার ও মন্দিরগুলি এবং শহরের কেন্দ্রস্থলে অবস্থিত ফকিরবাড়ীর সুদৃশ্য মসজিদটি প্রাচীন কালেই নিমিত হইয়াছিল। 'বিবির মহল্লা' ও 'বিবির তালাব' পুরাতনেরই স্মৃতি।

বহুযুগী বিশৃঙ্খলার মধ্যেই ইংরাজ কোম্পানী দেশের শাসন ভার হাতে নিয়েছিল। মগ-ফিরঙ্গীর জুলুম এবং বানবস্তুর কলে এ অঞ্চল প্রায় জনমানবহীন হইয়া পড়িয়াছিল। তত্পরি চিরস্থায়ী বন্দোবস্ত, ভাষাপরিবর্তন, সূর্যাস্ত আইন, লাধারাজ বাঞ্ছয়াপ্তী এবং প্রজাপীড়ক ভূমিস্বত্ববিধির পরিণাম এ জিলাকে স্পর্শ করিয়াছিল। নীলকর, লবণকর এবং জমিদারী জুলুমকে কেন্দ্র করিয়া এ অঞ্চলে চাঞ্চল্য প্রকাশ পায়। উনিশ শতকের প্রথম দিকে ভারতীয় ওহাবী বিপ্লবের বিদ্রোহ তরঙ্গও এ জিলায় প্রকাশ পাইয়াছিল। এদেশে ইহা ফরাইজী আন্দোলন নামে খ্যাতিলাভ করে। হাজী শরীয়াতুল্লার নেতৃত্বে এ-আন্দোলন প্রথমতঃ জিলায় উত্তরাঞ্চলে আরম্ভ হয় এবং পরে অন্তান্ত অঞ্চলে পরিব্যাপ্ত হয়।

অন্তঃপর বিশ শতকের প্রথম দিকে অশ্বিনীকুমার দত্তের নেতৃত্বে 'স্বদেশী ও বয়স্কট' আন্দোলন এ-জিলাকে বিশেষভাবে আলোড়িত করে। ঈসাব্দী ১৯০৮ সনে মিঃ এ. রসুলের সভাপতিত্বে এখানে বঙ্গীয় প্রাদেশিক রাজনৈতিক সম্মেলনের অধিবেশন হয়। ১৯১৬ সনে এখানে প্রাদেশিক মুসলিম শিক্ষা ও সাহিত্য সম্মেলনের এক অধিবেশন হইয়াছিল। পুনরায় ১৯২১ সনে এখানে প্রাদেশিক রাজনৈতিক সম্মেলনের অধিবেশন বসে এবং ১৯২৭ সনে স্তর আবদুর রহিমের সভা নেতৃত্বে আহত হয় প্রাদেশিক মুসলিম সম্মেলন। অসহযোগ ও খিলাফত আন্দোলন, কংগ্রেসের স্বাধীনতা আন্দোলন, জনার

ফজলুপ হকের প্রজা আন্দোলন এবং মুসলিম লীগের পাকিস্তান আন্দোলন এ-জিলাকে এক গৌরবের আসনে প্রতিষ্ঠিত রাখিয়াছে।

ছায়া-ঢাকা পাখী ডাকা নদী-বেষ্টিত বিচ্ছিন্ন বাকের-গঞ্জ একটা বিশিষ্ট সংস্কৃতি ও মধ্যতার অপিকারী। এ-দেশের মেঘনা, তেতুলিয়া, বিশখালি, বেলেশ্বর ও কালাবদরের কলকল্লায় মাছবের কবি প্রতিভাকে ফুটাইয়া তোলে। দিগন্তব্যাপী ধানের ক্ষেত, ফুল-ফসলের মেলা—হোগলাবন, কাশবন, তাল-নারিকেল ও গুবাক বুদ্ধের সারি ভাবুক মনে আরো ভাবালুতার ছোঁয়াচ লাগায়। তাই পনেরো শতকের কবি বিজয়গুপ্ত হইতে শুরু করিয়া আজিকার সুফিয়া কামাল, আহদান হাবীব, জয়মুল আবেদীন এবং আরো বহু কবি, সাহিত্যিক, নাট্যকার ও সাংবাদিক এ জিলায় এক বিশেষ সৃষ্টি। চারণ কবি, মুকুন্দ দাস এবং পুঁথি ও জারীর বয়াতী আলম, আকবর এবং হাল জামানার আবদুল গনির নাম প্রদেশের ধরে ধরে প্রচারিত। বশিশালের প্রাকৃতিক সৌন্দর্যে এক সময় বিদ্রোহী কবি নজরুল মুকু হইয়াছিলেন। তিনি বশিশাল শহরকে 'বাঙলার ভেনিস' বলিয়া উল্লেখ করিয়াছিলেন। এখানকার সবুজ শ্রামলিমায় বিভোর হইয়া গান গাহিয়া-ছিলেন কবিগুরু রবীন্দ্রনাথ।

ব্রজমোহন কলেজ ও বিজালয়, আসমত আলী খাঁ ইনষ্টিটিউশন, শরীফা মাদ্রাসা ও সাইন্সেরী, শায়েস্তাবাদ কুতুবখানা, শতর মঠ, রামকৃষ্ণ মিশন, আনুজ্যনে হোমোয়েত ইসলাম, বিভিন্ন খৃষ্টান মিশন এবং সাহিত্য পরিষদ ও সাহিত্য সেবামঞ্জলি এ দেশের ধর্ম, শিক্ষা ও সামাজ্য-নিক উন্নয়নে এক বিশেষ ভূমিকায় গ্রহণ করিয়াছে। নদী, সমুদ্র ও অরণ্য প্রকৃতির হিংস্রতা অধিবাসীদের চারিত্রিক বৈশিষ্ট্য হইলেও তাহা আদৌ অ-গৌরবের নয়। যুগ যুগ ধরিয়া বান-বস্তার ধ্বংসলীলার মুখে আজো জিলাবাসী টিকিয়া আছে। অতীতে মগ ও ফিরঙ্গীর বিরুদ্ধে লড়াই করিয়া তাহারা বীরত্বের স্বাক্ষর আঁকিয়া গিয়াছে ভীমভয়াল মেঘনার সীমাহীন বুকে। তাহারা শীশ দিয়া সাতার কাটিয়া পারাপার হয় তেতুলিয়া, কালাবদর, বিশখালি ও বেলেশ্বর। বাঘ ও কুম্বীরের সহিত যুদ্ধ করিয়াই তাহারা এ দেশ আবাদ করিয়াছে। কলে এ-অঞ্চল আজ প্রদেশের শস্তভাণ্ডাররূপে খ্যাতিলাভ করিয়াছে। বিগত দুই দুইটা বিশ্ব-যুদ্ধে এ-জিলায় হাজার হাজার নওজোয়ান বীরত্বের খ্যাতি অর্জন করিয়াছে, আরব, আফ্রিকা এবং ইউরোপের বিভিন্ন লড়াই ময়দানে।

যাযাবর পাখি

আ, ন, ম, বঙ্গপুর রশীদ

শুচিস্মিতা কাছে এসো এমন নির্জন বেলা
শরতের সম্মেহ ছুপুর।
তোমার শ্যামল ছবি রেখাঙ্কিতা তদ্ব্যতনু
একখানি বোদে-ভেজা সুর
মস্তুর-মধুর। আগ্ন অলঙ্কিতা তুমি এই
পৃথিবীর নও,
নির্বাক, তবুও কোন্ নক্ষত্রের স্বপ্ন দিয়ে
কালো চোখে কত কথা কও।
কাছে এসো কথা বলি। তোমাকে দেখেই মন
অকস্মাৎ হয়েছে উধাও
সে কোন্ গ্রহের পথে, উদ্ভাষা উদ্ভাষা
আর অসংখ্য তারাও
চঞ্চল বেদনা-ত্রস্ত। জানো শুচিস্মিতা
আমিও তাদের মতো কেমন অশাস্ত যেন।
তুমি সংযমিতা
মাটিতে বেঁধেছ নীড় তাই তুমি মূর্তিমতী
সীমিত রেখায়
একখানি স্বপ্নচ্ছবি এই তুণে
আর শাস্ত নীলের লেখায়

একান্তে অনন্ত মন। সাধ ছিল বাসা বাঁধি
এই পৃথিবীতে
একটু আনন্দ আর উচ্ছ্বাস ও উষ্ণতায়
ঘর ভরে দিতে।
সে স্বপ্ন ভেঙেছি কবে উদাসী নির্মম মুক্ত
নির্লিপ্ত হেলায়
দূরের মানুষ আমি। এখন উঠেছে টাঁদ
নির্জন সঙ্কায়
তোমাকে যাঁসনা দেখা, অস্পষ্ট বনের রেখা
রূপালী আবেশ,
তোমার কুটীরে দীপ জ্বলে ওঠে, চেয়ে দেখি
পরিজ্ঞান্ত তোমাদের দেশ
কেমন ঘুমিয়ে পড়ে। হাত দিয়ে ছুঁতে পারি
এই রাত—মোমের মতন
নরম-কোমল। শোনো শুচিস্মিতা এসেছে লগন
এখন মেলবো পাখা জানিনে কোথায়, তাই
তোমাদের জন্তু শ্রীতি রাখি
এখানে। হয়ত আর এ-পথে হবে না আসা,
উড়ে যাবো যাযাবর পাখি।

পলাশপুরের ইতিকথা

আলবেরুনী

খালটা ক্রপোর চন্দ্রহারের মতো চারদিক থেকে জড়িয়ে বেবেছে গাঁয়ের কোমরটাকে। এ খাল ছাড়া যেমন একটা দিনও চলার উপায় নেই গাঁয়ের, তেমনি গাঁ না হলেও কোনো অর্থ হয় না খালটা থাকার। গাঁয়ের প্রাচীনতম বুড়ো মারা গেলেন যিনি এই সেদিন, ফকিরের টিলার ফকির সাহেব, বয়সের যার গাছ পাথর নেই তাঁরাও বলতে পারেন না এ খাল কাটা হয়েছিলো কবে।

কিংদস্তী আছে সে অনেক বছর আগে গভীর অরণ্যময় ছিল এ-অঞ্চল। হিংস্র খাপদ বাব ভালুক ভূত পেত্নী আর দস্যুতন্ত্রদের নিরাপদ রাজধানী। ডাকাতদের হাত থেকে পরিত্রাণ পেল সামনে এসে দাঁড়ায় ক্ষুধার্ত ব্যাঘ্রের দল। হায়াতের জোরে যদি অব্যাহতি পাওয়া যায় এদের কবল থেকে তবে মিছিল করে ছুটে আসবে ভূত আর পেত্নীরা। হাড় মাংসগুলো টেনে ছিঁড়ে ধাবে টুকরো টুকরো করে। নানী আর দাদীদের মুখে এ-কাহিনী শুনে শুনে কোলের ভেতর খাঁৎকে গুঁঠে আজো গাঁয়ের একান্ত দুর্ভাগ্য মিত্রা পর্যন্ত। কচিলতাব মতো বাছ ছোটো বিয়ে জড়িয়ে ধরে তারা বুড়ীদের সেকলে সনাতন কংকালগুলো।

ঈদা খাঁ মসনদ আলী প্রত্যাবর্তন করছিলেন রাজধানীতে। পরাজিত করে এসেছেন তিনি মুঘল সেনাপতি রাজপুত বীর মানসিংহকে। তাঁর ফেলুনে এখানে এই অরণ্যের ছায়ায়। নিদাখের তপ্ত মধ্যাহ্নটা কাটাবেন প্রকৃতির বুকে। দূর করবেন রণশাস্তি।

দলে দলে প্রজারা আসে চারদিকের গাঁ থেকে। ফরিয়াহ জানিয়ে বলে ডাকাতদের অত্যাচারের কথা। দিনের আলোতে মাঠ থেকে গরু বাছুর ধরে নেয়ার কাহিনী। অপণিত বানর আর বস্ত্রশুকরের ফসল বিনষ্টের সংবাদ।

শান্তি আর দূর করা হয় না। পূর আরবীয় অখের লাগাম টেনে ধরেন ঈদা খাঁ। ইস্পাতের ঝুঁককে তলোয়ারটা কোষমুক্ত করেন সশব্দে। সূর্যের তেজে বলসে গুঁঠে একবার। এর আঘাতেই দু'টুকরো করে এসেছেন মুঘল সেনাপতির তরবারী। হেমাধ্বনি আর কুরুলি পড়ে থাকে পশ্চাতে। প্রবেশ করেন তিনি দিনের আলোর অন্ধকার অরণ্যে।

অনেক অতৃপকানের পর সন্ধান পান দস্যুদের গোপন আড্ডার। সংগে সংগে পিরে ফেলুতে চেষ্টা কবে তারা

তাঁকে চারদিক থেকে। তারপর হিংস্র পশু আর নিরীহ হরিণ শিকড়েরে সচকিত করে শুধু অসির বনবন্দ।

ফিরে যখন আসেন তাঁরুতে পশ্চিমের আকাশ তখন কারবালার ময়দান। ঐ অর হালুকা মেঘের সাদা টুকরো-গুলো লাল হয়ে গেছে মশীনার উড়নীর মতো। ক্ষত বিক্ষত দেহে অমূল্য জীবী পোষাক রক্তাক্ত। দিগন্তের পারে চলে পড়া ক্রান্ত সূর্যের মতোই শান্ত তিনিতখন স্কুপিগামার।

পরে হু'শতাহ যেতে না যেতেই দেখা যায় হাছার হাছার সৈনিক লেগেছে অংগল পরিষ্কারে। অর্চলোকারে বাহ করে বেঠন করেছে অরণ্য প্রতিদন্দীয়ে। চল্লিশজন ডাকাতের পালাতে পারেনি কেউ। কিন্তু প্রাণ দিয়েছে তারা শেষ রক্তবিন্দু পর্যন্ত লড়ে। মৃত্যুর আগে আপন বর্শার আঘাতে হত্যা করে গেছে বিষমত ক্ষতজর্জরিত অশগুলো পর্যন্ত। তারপর হিংস্র বাঘ, বজ্র বরাহ, ভীক হরিণ, স্তম্ভুর বানর, বিষাক্ত ষাপদ। শুধু পরিত্রাণ পায় অশবীরী ভূত পেত্নীরা হাওয়ার রথে পালিয়ে।

দেখে তে দেখে তে প্রাগৈতিহাসিক অরণ্যের ধ্বংস থেকে বেরিয়ে আসে এক প্রাচীন রক্ষা কালীর মন্দির। অভাসুরে কৃষ্ণ পাথরে তৈরী লোলজিহ্বা ন্যুঙমালিনীর ভয়ংকর মূর্তি। বেদী থেকে সিঁড়ি বেয়ে গড়িয়ে পড়ছে তাজা রক্ত। উপরে এক ছিন্ন শির শিশু। ছিন্ন মস্তার পাদমূল ধরে ভূমি তলে অন্ধকার গুহা। মধ্যাহ্ন সূর্যে সূচীভেজ। মশালের আলো ঠিকরে পড়তেই চক্চক্ করে গুঁঠে গুঁঠে সুরে সাজানো পেতলের ঘড়াগুলো। আকর্ষণপূর্ণ স্বর্ণমূদ্রা আর স্তম্ভ মোহরে। মহারাজ অশোক থেকে মহামতি হর্ষবর্ধন, বজ্রবিজেতা বখতিয়ার হলুঙ্গী, গোড়েশ্বর শামসুদ্দীন ইলিয়াস শাহ, দিল্লীখর মুৎসাদ বিন ভুলক, ভারতেশ্বর শাহেনশাহ আকবর। এ যেনো আরব্য উপজাসের আর এক অধ্যায়। কড়া প্রহরায় পাঠিয়ে দেয়া হয় সব সুবর্ণগ্রামের খাজাঞ্চীখানায়।

তারপর সুন্দর আবাদী জমি। জড়িয়ে যায় সিপাহী-দের চোখ। হত্যা নয় সৃষ্টির উন্মাদনা গুদের রক্তে। অসির বনবন্দানি ভুলে কংকন-কিংকিনীর ভজ উদাস হয় মন। ফিরে বেতে পারে না আর কোঁজে। অংগী লেবাস আর কোষবদ্ধ তলোয়ার ফিরিয়ে দিয়ে আসে সিপাহ-মালারের তোপখানায়। বোড়াগুলো বোড়াশালে। নতুন করে সৃষ্টি করে তারা আহেফ জনপদের।

সংবাদ পেয়ে হাতীর পিঠে সোনার হাওদায় বেড়াতে